

## **MEMORIA XUSTIFICATIVA PARA A CONSTITUCIÓN DE EQUIPOS DE TRABAJO PARA A XESTIÓN DOS FONDOS DE RECUPERACIÓN E RESILIENCIA (FRR)**

### I. Xustificación da carga de traballo ordinaria existente no centro directivo que impide que poida ser asumida a tramitación dos expedientes para a xestión dos fondos

A Axencia Galega da Industria Forestal, no ámbito das competencias que lle son propias, atópase xestionando neste momento axudas por un importe de **máis de 17 millóns de euros**, correspondentes a convocatorias plurianuais dos anos 2021 e 2022 que se atopan en distintas fases da súa tramitación:

- Xera-Tecno 2021: xustificación da segunda anualidade ata o 15 de xuño de 2022, con algúns expedientes xa prorrogados ata outubro de 2022 debido aos problemas globais de subministración dos equipos subvencionados, o que producirá un atraso ata o último trimestre do ano 2022 do fin da tramitación.
- Xera-Valor 2021: xustificación da segunda anualidade ata o 15 de xuño de 2022, cunha problemática similar á descrita no parágrafo anterior, coa previsión de estender a tramitación ata o último trimestre do ano 2022.
- Xera-Savia 2022: prazo de solicitudes rematado o día 18.03.2022. Actualmente, estase iniciando a tramitación administrativa da axuda, cuxa data límite para a xustificación é o 10 de novembro de 2022, polo que a tramitación se estenderá ata o último trimestre de 2022 ou o primeiro de 2023.
- Xera-Valor 2022: a convocatoria plurianual para os anos 2022 e 2023, de acordo co Mapa de Apoios da Industria Forestal para o ano 2022, foi publicada en xullo. O prazo de presentación de solicitudes rematou o 8 de agosto de 2022, polo que se están a revisar ditas solicitudes para realizar a resolución de concesión e posterior pagamento da anualidade do ano 2022 e posteriormente a anualidade 2023.





- Convocatorias ao abeiro dos FRR no marco do PO Feder Galicia 2014-2020: a Axencia ten orzamentados 7 millóns de euros, dos cales 5,1 millóns son para a convocatoria de axudas a investimentos en ecoinnovación e dixitalización (publicarase o 1 de setembro) e para a construción en madeira (publicación prevista no mes de setembro). Trátase de convocatorias plurianuais que abranguerán os exercicios 2022 e 2023.

Ademais, a Axencia Galega da Industria Forestal xestionou durante o período 2018-2022 case **40 millóns de euros** no marco das convocatorias de axudas Xera-Tecno, no marco do PDR de Galicia 2014-2020. Finalizado o dito período, que foi prorrogado ata o ano 2022, a Axencia executou a totalidade dos fondos que lle foron asignados pola autoridade de xestión.

A Axencia conta co compromiso de transferencia de **9 millóns de euros adicionais** procedentes dos remanentes non executados por outros organismos xestores, que se concretarán logo da preceptiva modificación do PDR. Canto ao marco temporal, prevese que estes fondos estean autorizados no segundo semestre do ano 2022, o cal permitiría realizar unha convocatoria de axudas Xera-Tecno para o ano 2023 mediante o procedemento de tramitación anticipada do gasto.

Como se desprende deses datos, prodúcese un solapamento de convocatorias dos anos 2021, 2022 e 2023, debido ao carácter plurianual de moitas das axudas xestionadas.





No seguinte cadro recóllese a cuantificación dos expedientes tramitados pola Axencia nos últimos anos:

Procedemento	Ano	Solicitudes
Xera-Tecno (IN500A)	2020	123
	2021	161
	<b>Total</b>	<b>284</b>
Procedemento	Ano	Solicitudes
Xera-Valor (IN500B)	2020	53
	2021	66
	<b>Total</b>	<b>119</b>
Procedemento	Ano	Solicitudes
Xera-Savia (IN501A)	2021	9
	2022	12
	<b>Total</b>	<b>21</b>
Procedemento	Ano	Solicitudes
Utiliza Madeira (IN502)	2020	355
	<b>Total</b>	<b>355</b>
<b>Total solicitudes 2020-2022 (ata 23/03/2022)</b>		<b>779</b>

Á vista destes datos, obsérvase unha tendencia crecente, sostida desde o ano 2018 (data de posta en funcionamento da Axencia) no número de expedientes daquelas convocatorias consolidadas (IN500A, IN500B e IN501A). No período recollido no cadro, o aumento do número de solicitudes neses procedementos é do 29%.

Ademais, para o ano 2022 haberá que sumar as solicitudes do procedemento IN502, do que non houbo convocatoria no ano 2021, e cuxo precedente (2020) deu como resultado 355 expedientes, o que supuxo un aumento drástico da carga de traballo que, previsiblemente, se producirá de novo este ano.

Para a tramitación de todos eses expedientes, a Axencia conta neste momento cunha dotación de persoal claramente insuficiente, composta por un Xefe do Departamento de Xestión Administrativa, catro Xefaturas de sección (nivel 25) ocupadas en comisión de servizos por funcionarios de carreira e dous postos de Axudante de administración (nivel 16) ocupadas por persoal funcionario interino desde xuño de 2021.

Das seis persoas a cargo do Xefe do Departamento de Xestión Administrativa, tres delas (o 50%) teñen recoñecida a flexibilidade horaria por conciliación, o





cal imposibilita a realización de traballos fóra do horario de referencia. A RPT vixente da Axencia figura como **anexo I** desta memoria.

Todo o anterior evidencia que **un aumento da carga de traballo como consecuencia da convocatoria e tramitación das novas axudas con cargo ao FRR resultaría inasumible para a Axencia coa actual dotación de persoal.**

## II. Carga de traballo prevista coa tramitación dos expedientes financiados ao abeiro do FRR e cronograma de actuacións

Como se indicou anteriormente, a Axencia Galega da Industria Forestal conta cos seguintes fondos orzamentados no marco dos FRR do Programa Operativo Feder Galicia 2014-2020:

Denominación do proxecto	Código do proxecto	2022	2023	Total
REACT Construción en madeira	2021 00005	1.750.000,00 €	2.650.000,00 €	4.400.000,00 €
REACT Ecoinnovación forestal	2021 00006	800.000,00 €	-	800.000,00 €
REACT Trazabilidade dixital	2021 00007	800.000,00 €	-	800.000,00 €
REACT Planta piloto produtos lignocelulósicos	2021 00008	40.000,00 €	960.000,00 €	1.000.000,00 €
<b>Total</b>		3.390.000,00 €	3.610.000,00 €	7.000.000,00 €

- **Volume de expedientes a tramitar:** no caso da convocatoria de axudas de Construción en madeira, o precedente do ano 2020 fai prever un incremento significativo da carga de traballo a partir da súa publicación no DOG e durante o resto do ano 2022. Naquela ocasión, abríronse 355 expedientes, sendo moitos deles denegados polo esgotamento do crédito orzamentario, que era de 1.700.000 euros. Para esta nova convocatoria, o orzamento aumenta ata os 2.000.000 euros, polo que o volume de expedientes concedidos será significativamente maior. Os outros 2 millóns de euros orzamentados nese proxecto contable destinaranse á sinatura de convenios e ao financiamento da unidade de traballo para a tramitación administrativa.

No caso da convocatoria de axudas de ecoinnovación e dixitalización, ao tratarse da primeira edición, non é posible establecer un precedente, se ben si é preciso facer constar que a Axencia é consciente de que estas axudas responden a unha demanda do sector, o cal fai





prever un número importante de solicitudes. Os indicadores de resultados da axuda recollen un número de 55 beneficiarios potenciais, de acordo coa aplicación dos criterios de cálculo aplicados polo órgano xestor.

- Tipoloxía dos expedientes: ademais do volume, cómpre ter en conta que a natureza dos expedientes que se recibirán nestas dúas convocatorias fan que a súa tramitación sexa máis complexa que os de axudas xa consolidadas. Isto débese, no caso de Construción en madeira, a que é preciso estudar aspectos específicos dos ámbitos da arquitectura e do deseño, memorias técnicas, plans de execución de obras, etc. antes e despois da concesión das axudas.

No caso das axudas de ecoinnovación e dixitalización, será preciso estudar as memorias técnicas das solicitudes, para o cal é preciso contar con tempo suficiente para analizar desde unha perspectiva técnica e non só administrativa o contido das mesmas. Ao ser subvencionables gastos intanxibles, resulta moito máis difícil determinar a súa subvencionabilidade e, en consecuencia, a motivación das resolucións de concesión e/ou de non admisión requiren de máis tempo e traballo intelectual para a súa elaboración. Ademais, na fase de xustificación dos gastos reproducirase esa dificultade engadida, ao ter que verificar elementos e resultados intanxibles.

- Cronograma de actuacións:
  - A previsión actual, en base ao estado no que se atopan as dúas convocatorias, é que as axudas de ecoinnovación e dixitalización se publiquen no DOG o 1 de setembro, de xeito que se abra o prazo para a presentación de solicitudes (en réxime de concorrencia non competitiva) ata o 15 de outubro ou ata o esgotamento do crédito orzamentario. As solicitudes tramitaranse e resolveranse por orde de entrada e a xustificación final das axudas rematará a mediados do ano 2023, logo do que haberá que tramitar os pagamentos ou, se for o caso, as perdas de dereito ao cobro das axudas.
  - No caso das axudas de Construción en madeira, a previsión é que sexan publicadas no DOG no mes de setembro 2022 (en réxime de concorrencia non competitiva) ata o 30 de outubro ou ata o esgotamento do crédito orzamentario. As solicitudes tramitaranse e resolveranse por orde de entrada e a xustificación final das axudas rematará a mediados do ano 2023.





### III. Proposta de dotación de persoal para a tramitación das axudas do FRR

Vista a dotación actual de persoal da Axencia, así como os traballos previstos nos próximos meses, cómpre realizar a seguinte proposta de dotación de persoal adicional para a tramitación das axudas convocadas ao abeiro dos Fondos de recuperación e Resiliencia:

5 xefaturas de sección

- 3 Enxeñeiros forestais (corpos especiais, subgrupos A1/A2, nivel 25), que desempeñen funcións técnicas específicas en materia forestal.
- 2 Xefaturas de sección (corpos xerais, subgrupos A1/A2/C1, nivel 25), que desempeñen as funcións propias dos postos a ocupar, análogas ás do persoal funcionario que neste momento ocupa postos dese nivel na Axencia.

A incorporación destes efectivos producirase mediante súa publicación en comisión de servizo, no caso de non se presentar ninguén, procederase ao chamamento de persoal funcionario interino procedente das listas de contratación temporal da Xunta de Galicia, reguladas polo Decreto 37/2006. O centro de traballo deste persoal serían as dependencias da Axencia Galega da Industria Forestal.

Santiago de Compostela, na data da sinatura electrónica

O director da Axencia Galega da Industria Forestal

(asinado electronicamente)

Jacobo Aboal Viñas





## ANEXO I. RPT VIXENTE DA AXENCIA GALEGA DA INDUSTRIA FORESTAL

CÓDIGO POSTO	DENOMINACIÓN	NIVEL	SUBGRUPO	OBSERVACIÓNS
CENTRO DE DESTINO: DIRECCIÓN				
EI.A21.00.000.15770.001	SECRETARIO/A DO/A DIRECTOR/A	18	C1-C2	OCUPADO LD
CENTRO DE DESTINO: XERENCIA				
EI.A21.00.001.15770.001	XERENTE	30	A1	OCUPADO ADSCRICIÓN
EI.A21.00.001.15770.005	AXUDANTE DE ADMINISTRACIÓN	16	C1-C2	VACANTE
EI.A21.00.001.15770.010	XEFATURA DEPARTAMENTO DE XESTIÓN ADMINISTRATIVA	28	A1-A2	OCUPADO ADSCRICIÓN
EI.A21.00.001.15770.015	XEFATURA SECCIÓN I	25	A1-A2-C1	OCUPADO COMISIÓN
EI.A21.00.001.15770.020	XEFATURA SECCIÓN II	25	A1-A2-C1	OCUPADO COMISIÓN
CENTRO DE DESTINO: ÁREA DE INNOVACIÓN FORESTAL				
EI.A21.00.002.15770.005	AXUDANTE DE ADMINISTRACIÓN	16	C1-C2	OCUPADO INTERINO
EI.A21.00.002.15770.010	XEFATURA DE SECCIÓN	25	A1-A2-C1	OCUPADO ADSCRICIÓN
CENTRO DE DESTINO: ÁREA DE PROMOCIÓN E CALIDADE FORESTAL				
EI.A21.00.003.15770.005	AXUDANTE DE ADMINISTRACIÓN	16	C1-C2	OCUPADO INTERINO
EI.A21.00.003.15770.010	XEFATURA DE SECCIÓN	25	A1-A2-C1	OCUPADO ADSCRICIÓN

